

বাংলাদেশ



গেজেট

অতিরিক্ত সংখ্যা

কর্তৃপক্ষ কর্তৃক প্রকাশিত

রবিবার, ফেব্রুয়ারি ১০, ২০১৩

[বেসরকারি ব্যক্তি এবং কর্পোরেশন কর্তৃক অর্থের বিনিময়ে জারীকৃত বিজ্ঞাপন ও নোটিশসমূহ]

বীমা উন্নয়ন ও নিয়ন্ত্রণ কর্তৃপক্ষ

১৩৯, মতিঝিল বা/এ

ঢাকা।

প্রজ্ঞাপন

তারিখ, ২১ মাঘ, ১৪১৯ বঙ্গাব্দ/০৩ ফেব্রুয়ারি, ২০১৩ খ্রিস্টাব্দ

এস, আর, ও নং ৩৯-আইন/২০১৩।—বীমা আইন, ২০১০ (২০১০ সনের ১৩ নং আইন) এর ধারা ১৪৮ এ প্রদত্ত ক্ষমতাবলে কর্তৃপক্ষ, সরকারের অনুমোদনক্রমে, নিম্নরূপ প্রবিধানমালা প্রণয়ন করিল, যথাঃ—

১। শিরোনাম।—এই প্রবিধানমালা বীমাকারীর নিবন্ধন প্রবিধানমালা, ২০১৩ নামে অভিহিত হইবে।

২। সংজ্ঞা।—বিষয় বা প্রসঙ্গের পরিপন্থী কোন কিছু না থাকিলে, এই প্রবিধানমালায়—

(ক) “আইন” অর্থ বীমা আইন, ২০১০ (২০১০ সনের ১৩ নং আইন);

(খ) “কর্তৃপক্ষ” অর্থ বীমা উন্নয়ন ও নিয়ন্ত্রণ কর্তৃপক্ষ আইন, ২০১০ (২০১০ সনের ১২ নং আইন) এর অধীন প্রতিষ্ঠিত বীমা উন্নয়ন ও নিয়ন্ত্রণ কর্তৃপক্ষ;

(গ) “নিবন্ধন সনদ” অর্থ ফরম বীউনিক-ঘ অনুযায়ী কর্তৃপক্ষ কর্তৃক প্রদত্ত নিবন্ধন সনদ;

(৮৯৯)

মূল্য ৪ টাকা ২৪.০০

- (ঘ) “নিবন্ধন নবায়ন সনদ” অর্থ ফরম বীউনিক-ছ অনুযায়ী কর্তৃপক্ষ কর্তৃক প্রদত্ত নিবন্ধন নবায়ন সনদ;
- (ঙ) “ফরম” অর্থ এই প্রবিধানমালার সহিত সংযোজিত ফরম।

৩। নিবন্ধনের জন্য আবেদন।—(১) লাইফ ইন্স্যুরেন্স বা নন-লাইফ ইন্স্যুরেন্স ব্যবসা পরিচালনা করিতে ইচ্ছুক এইরূপ প্রত্যেক ব্যক্তিকে কর্তৃপক্ষের নিকট, নিবন্ধন সনদ প্রাপ্তির জন্য ফরম বীউনিক-ক অনুযায়ী আবেদন করিতে হইবে।

(২) উপ-প্রবিধান (১) এর অধীন দাখিলকৃত আবেদনপত্রের সহিত আইনের ধারা ৮ এর উপ-ধারা (৫) এ উল্লিখিত দলিল, কাগজ ও তথ্যাদিসহ নিম্নবর্ণিত অন্যান্য দলিল, কাগজ ও তথ্যাদি দাখিল করিতে হইবে, যথাঃ—

- (ক) ফরম বীউনিক-ক অনুযায়ী প্রস্তাবিত বীমা কোম্পানির সম্ভাব্যতা প্রতিবেদন;
- (খ) ফরম বীউনিক-খ ও বীউনিক-গ অনুযায়ী প্রস্তাবিত বীমা কোম্পানির উদ্যোক্তা/পরিচালক এবং মুখ্য নির্বাহী কর্মকর্তার জীবন বৃত্তান্ত;
- (গ) প্রস্তাবিত বীমা কোম্পানির উন্নয়ন ও সেবা বিভাগের প্রধান, অর্থ ও হিসাব, অবলিখন ও পুনঃবীমা, অভ্যন্তরীণ নিয়ন্ত্রণ ও সমন্বয়, দাবী নিষ্পত্তি এবং তথ্য ও প্রযুক্তি বিভাগে নিযুক্ত কর্মকর্তাগণের জীবন বৃত্তান্ত এবং নাগরিক সনদপত্রের অনুলিপি;
- (ঘ) প্রস্তাবিত বীমা কোম্পানির উদ্যোক্তাগণের সভার কার্যবিবরণী;
- (ঙ) বীমা কোম্পানি গঠনের বিষয়ে উদ্যোক্তাগণের লিখিত চুক্তি;
- (চ) নিম্নোক্ত খাতের ব্যবস্থাপনা কৌশল সম্বলিত বিস্তারিত পরিকল্পনা :
- (১) প্রস্তাবিত বীমা কোম্পানির সম্পদের সহিত সম্পর্কিত ঝুঁকিসমূহ;
- (২) সুবিধাবঞ্চিত এলাকা/সম্প্রদায়ে সেবা পৌঁছাইয়া দেওয়ার কৌশল;
- (৩) গ্রাহকগণের অধিকতর ভাল সেবা প্রদানের লক্ষ্যে কোম্পানিকে নতুন ও আধুনিক প্রযুক্তি ব্যবহারে সচেষ্টতার বিবরণ।

(৩) উপ-প্রবিধান (১) এর অধীন প্রত্যেক আবেদনপত্রের সহিত প্রক্রিয়াকরণ ফি হিসাবে কর্তৃপক্ষের তহবিলের অনুকূলে ৫ (পাঁচ) লক্ষ টাকার অফেরতযোগ্য ব্যাংক ড্রাফট প্রদান করিতে হইবে।

৪। নিবন্ধনের আবেদনপত্র প্রত্যাখ্যান।—(১) নিবন্ধনের জন্য কোন আবেদন যথাযথ বিবেচিত না হইলে কর্তৃপক্ষ, আবেদনকারীকে যুক্তিসংগত শুনানীর সুযোগ প্রদান করিয়া উক্ত আবেদন প্রাপ্তির অনধিক ৪০ (চল্লিশ) দিনের মধ্যে আবেদনটি না মঞ্জুর করিতে পারিবে।

(২) উপ-প্রবিধান (১) এর অধীন কোন আবেদন না মঞ্জুর করা হইলে, কর্তৃপক্ষ উক্ত সিদ্ধান্তের যথাযথ কারণ উল্লেখপূর্বক উহা অনধিক ৫ (পাঁচ) দিনের মধ্যে আবেদনকারীকে লিখিতভাবে অবহিত করিবে।

(৩) উপ-প্রবিধান (২) এর অধীন অবহিত হইবার পর আবেদনকারী অনধিক ৩০ (ত্রিশ) দিনের মধ্যে কর্তৃপক্ষের নিকট পুনঃবিবেচনার জন্য আবেদন করিতে পারিবে।

৫। নিবন্ধন সনদপত্র।—কর্তৃপক্ষ, আইনের ধারা ৯ এর উপ-ধারা (১) এর উদ্দেশ্যে পূরণকল্পে, ফরম বীউনিক-ঘ অনুযায়ী বীমাকারীকে নিবন্ধন সনদ প্রদান করিবে, যাহা প্রতি বৎসর নবায়ন যোগ্য।

৬। নিবন্ধন সনদের প্রতিলিপি।—বীমাকারী নিবন্ধন সনদের প্রতিলিপি সংগ্রহের জন্য বীমা ব্যবসা নিবন্ধন ফি বিধিমালা, ২০১২ এর বিধি ৩ এর উপ-বিধি (৩) এ নির্দিষ্টকৃত ফি প্রদান এবং উপ-বিধি (৪) এর পদ্ধতি অনুসরণ সাপেক্ষে ফরম বীউনিক-ঙ অনুযায়ী কর্তৃপক্ষের নিকট আবেদন করিতে পারিবে এবং কর্তৃপক্ষ আবেদনকারীর অনুকূলে নিবন্ধন সনদের প্রতিলিপি প্রদান করিবে।

৭। নিবন্ধন সনদের নবায়ন।—(১) বীমাকারীকে নিবন্ধন সনদের নবায়নের জন্য বীমা ব্যবসা নিবন্ধন ফি বিধিমালা, ২০১২ এর বিধি ৩ এর উপ-বিধি (২) অনুযায়ী নির্দিষ্টকৃত ফি প্রদান এবং উপ-বিধি (৪) এর পদ্ধতি অনুসরণ সাপেক্ষে ফরম বীউনিক-চ অনুযায়ী আবেদন করিতে হইবে।

(২) নিবন্ধন সনদের নবায়ন সংক্রান্ত আবেদন দাখিল করিবার সময় আইনের ধারা ১১ প্রযোজ্য হইবে।

(৩) কর্তৃপক্ষ ফরম বীউনিক-ছ অনুযায়ী নিবন্ধন নবায়নের সনদ প্রদান করিবে।

